

Inatsisartut inatsisaat umiartortut isumaqatigiissusioqatigine- qartnerannut tunngasoq

§ 1. Isumaqatigiissusiortoqartassaaq umiartortoq umiarsuarmut Kalaallit Nunaanni pigineqartumut ikigaangat tassanngaanniillu niugaangat.

Imm. 2. Imm. 1-imi maleruagassani uku pineqanngillat

a) umiarsuit ilaasartaataanngitsut 20 BRT/BT 20 inorlugit angissusillit

b) angallatit nuannaariartaatit 20 BRT/BT 20-inik minnerusut

c) umiarsualiviit eqqaanni prammit, usingiaatit, itisilerinermut maskinat kranillu puttasut.

Imm. 3. Imm. 1-imi aalajangersakkanut Naalakkersuisunut ilaasortaq pitsaasorinnuseq najoqqutaralugu naleqquttunngorsaatilik aalajangersaasinnaavoq.

§ 2. Inatsimmi uani isumaqatigiissusiorneq ima paasineqassaaq, umiartortup ikinerani isumaqatigiissutip immersorneqartarnissaa umiartulersumillu umiarsuullu naalagaanit atsiorneqartarnissaa.

Imm. 2. Oqaaseq "umiartortoq" atorineqartillugu inatsimmi uani inuk kanaluunniit umiarsuarmi angalasumi suliaqartoq pineqarpoq, taamaallaat umiarsuup naalagaa pinnagu.

Imm. 3. Angutit arnallu 16-it inorlugit ukiullit umiarsuarmi sulisorineqassanngillat.

§ 3. Umiarsuarnut Kalaallit Nunaanni pigineqartunut naalagaasut allamik inuttalernerqartnerat pillugu nalunaaruteqartnerermut Naalakkersuisunut ilaasortaq maleruagassanik erseqqinnerusunik aalajangersaassaaq.

§ 4. Umiarsuarmi naalagaasup ikinermi isumaqatigiissusiornermi paasiniassavaa umiartortup atorfirmut ingerlatassamut ilinniagarisai inatsit malillugu piumasarianik naammassinnissimanersut. Umiarsuup naalagaata ingammik maluginiassavai pineqartup ukiui, peqqissusia ilinniagaalu inatsimmi piumasarineqartunik naammassinnissimanersut.

Imm. 2. Ikinermi isumaqatigiissusiornermi inuttaasunut immersugassaq Aalisarnermut

Suliffissuaqarnermullu Naalakkersuisumit atorussanngortinneqarsimasooq atorineqassaaq.

Imm. 3. Inuttaasunut immersugassap § 2, imm. 1-imi taaneqartup assinga umiarsuarmi

pappialaasivimmiitinneqassaaq. Pappialaasivik taanna umiarsuarmi inuttaasut allattorsimaffiannik taagorneqassaaq.

Imm. 4. Inuttaasut allattorsimaffisa assinginik nassiussisarnissaaq pillugu Naalakkersuisunut ilaasortaq erseqqinnerusunik maleruagassaliussaaq.

§ 5. Kikkunnulluunniit umiarsuarnut Kalaallit Nunaanni pigineqartunut atuuttuuvog, inuttaasunut immersugassap § 2, imm. 1-imi taaneqartup assinga umiartortumit tigummineqartoq ikinermi uppernarsaatitut atorsinnaanera.

Imm. 2. Danskit umiartornermut uppernarsaataannik piginnittoq pisinnaatitaavog taanna umiartulernermit uppernarsaatitut atussallugu. Taamaattoqarpat taanna umiarsuup naalagaanit atsiorneqarsimassaaq.

§ 6. Inunnut 16-it inorlugit ukiulinnut inuttaasunut immersugassap atsiornissaa inerteqqutaavog.

Imm. 2. Inunnut 18-it inorlugit ukiulinnut aappaganngitsunut inuttaasunut immersugassaq aatsaat atsiorneqarsinnaavog angajoqqaatut oqartussaassuseqartoq atsiornikkut akuersissuteqarsimappat pineqartup umiartorsinnaaneranut.

Imm. 3. Umiartortut peqqinnissap tungaatigut misissorneqartarnerat pillugu Naalakkersuisunut Ilaasortaq erseqqinnerusunik maleruagassaliussaaq.

§ 7. Ikinermi isumaqatigiissuteqarnermi isumaqatigiissummillu nakkutilliinermi maleruagassat Naalakkersuisunut Ilaasortaq maleruagassat erseqqinnerusut aalajangersassavai.

Imm. 2. Naalakkersuisunut Ilaasortaq umiarsuaatileqatigiinnut umiarsuulluunniit naalagaanut piumasaqarsinnaavog paasissutissat nakkutilliinermut pisariaqartut pissarsiarinissaannut. Naalakkersuisunut Ilaasortaq aamma umiarsuarni tamani Kalaallit Nunaanni pigineqartuni nakkutilliinermut pisariaqartunik misissuisitsinnaavog.

Imm. 3. Naalakkersuisunut Ilaasortaq imm. 2-mi oqartussaassutsimik kommunemut pisortanulluunniit allanut tunniussisinnaavog.

§ 8. §§ 1, 2, imm. 3, 4, imm. 1, aamma 3 aammalu 6, imm. 1 aamma 2-mik unioqqutitsin?rit akiliisitsinermik kinguneqartassapput, Kalaallit Nunaanni pinerluttaalisitsinermut inatsimmi sakkortunerusumik pineqaatissiisinaanermik tunngavissaqanngippat.

Imm. 2. Aamma taamatut pineqaatissiisoqartassaaq § 7, imm. 2 malillugu paasissutissat piumasarineqartut nalunaarutigineqanngikkaangata.

Imm. 3. §§ 3, 4, imm. 4, 6, imm. 3 aamma 7, imm. 1 naapertorlugit aalajangersakkanik unioqqutitsinerit akiliisitaanermik pineqaatissiisutaasinnaasutut aalajangersaavigineqarsinnaapput.

§ 9. Inatsit atortuulerpoq 1. juli 1986.

Namminersornerullutik Oqartussat, ulloq 24. april 1986

Jonathan Motzfeldt

/

Moses Olsen

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut